

Uunga siunnersuut: Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermit suliniutinut inatsisini assigiinnigitsuni inatsisit aalajangersagaannik allannguinermit, Kalaallit Nunaanni atuutilersitsinermit peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut
(Aningaasaqarnermut Naalakkersuisoq)

Akissuteqaat

Aappassaaneerinninneq

Naalakkersuisut siullermeerinninnermi Inatsisartut aalajangiiffigisassatut siunnersuummik sularinninnerannut qujapput. Siunnersuut ataatsimiititaliamut ingerlateqqinneqarnani aappassaaneernejarnissaanut ingerlateqqinneqarpoq.

Naalakkersuisut maluginiarpaat, pinerlunnikkut aningaasarsianik malunnarunnaarsaanermut peqqarniisaarnianullu aningaasaliisarnermut pitsaaliuineq, kiisalu nunatta nunat tamat akornanni piumasagaatinut nalimmassarneq, siullermeerinninnermi amerlanerussuteqartumik taparserneqarneri.

Siullermeerinninnermi, aalajangiiffigisassatut siunnersuummut tunngatillugu illuatungeriit attuumassutillit, siunnersuummit sunnerneqartussat, tamarmik tusarniaaffigineqarnerisut, apeqqutigineqarpoq. Taamaammat ilisimatitsissutigineqarsinnaavoq, Naalakkersuisut siunnersuut 22. december 2025-mit 23. januar 2026-mut tamanut tusarniaassutigisimagaat. Tamatumunnga atatillugu tusarniaaneq nunatta inuussutissarsiorfiinut aalajangiiffigisassatut siunnersuummit sunnerneqartussanut toqaannartumik nassiunneqarpoq. Tamanna tusarniaaffigisassanut allattuiffimmi takuneqarsinnaavoq. Taamaammat Naalakkersuisut naliliutigaat, inuit inuussutissarsiorfiilluunniit attuumassutillit tamarmik siunnersuummut oqaaseqarnissamut periarfissaqarsimasut.

Taamatut oqaaseqarlunga Naalakkersuisut sinnerlugit siunnersuut Inatsisartunut kajumittumik suliassanngortippara.